


PUOGAE YA MOPHATO 2

Pitse e tilodi e bone methaladi jang?



SETSWANA

Maemo:

1

Buka

3



Puiso e e kaelwang ya ditlhophha

Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele ba buisa kgang.

Puiso ya ntlha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya sekwalwa kwa godimo.

Motlotlo

- Botsa dipotso tsa tekatlhaloganyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e di le botlhokwa le mosola go kaela motlotlo wa phaposi.

Puiso ya bobedi

- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. (Tlhophha ditirwana tse di lekaneng maemo a barutwana)
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse di tsenyeleditsweng kwa morago ga buka e. (Tlhophha ditirwana tse di lebaneng maemo a barutwana)

Letla barutwana go diragatsa kgang fa e ba letla go dira jalo.





Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeleditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwae mo dibukeng tsa bona tsa dithutiso.

Pitse e tilodi e bone methaladi jang?



Bogologolotala, dipitse
tse ditilodi tsotlhé di
ne di le ditshweu.






Rre le Mme Pitsetilodi
ba ne ba lalediwa kwa
moletlong. Ba ne ba
batla go nna bantle
thata, mme ba ipenta
ka mebala e e galalelang.





Ba ne ba lebelelana mme Mme Pitsetilodi a re, "Totatota ga re lebege re le bantle!" Rre Pitsetilodi a dumela.

Mme Pitsetilodi a swetsa go penta sehuba sa gagwe bontsho, mme Rre Pitsetilodi a penta serope sa gagwe ka bontsho.





Le fa go le jalo, ba bo ba sa rate
mokgwa o ba lebegang ka ona,
ka jalo ba tlhapa pente eo.

Morago ba swetsa go ipenta
methaladi. Ba itebelela, ba
lebelelana, mme ba rata seo
ba se bonang.

"Jaanong re lebega re le bantle
e le ruri," ba bua jalo.

Ba tswa ba ya kwa moletlong, ba
ikutlwa sentle gore ba bantle.




Fa Rre le Mme Pitsetilodi
ba goroga kwa moletlong,
diphologolo tse dingwe di ne di
gakgamaditswe ke ka moo ba
lebegang ka teng.

"Le bantle e le ruri", ga bua tlou.

"Le lebega le kgatlhisa tota", ga
bua kubu.

"Le dule sentle", ga bua tshukudu.


"Re a leboga e le ruri", ga bua
Rre le Mme Pitsetilodi. "Le rona
re rata methaladi ya rona!"




Mongwe le mongwe kwa
moletlong o ne a rata
methaladi ya bona.

Mme Thutlwa a bolelela
Mme Pitsetilodi gore tota
methaladi ya bona e a ba
tshwanelo.

Tota le Kgosi Tau o ne a
ba bolelela ka moo ba leng
bantle ka teng.






Kgosi Tau a tlhagisa gore dipitse tse ditilodi tsotlhe di ipente ka methaladi e mentsho. Mme ka gobo Tau e ne e le kgosi, dipitse tse ditilodi tsotlhe tsa mo obamela.






Morago ga malatsi a le mmalwa,
dipitse tse ditilodi di ne tsa
ya kwa nokeng go tlhatswa
methaladi ya tsona, mme
methaladi ya palelwa ke go
tlhatswega.

Go diragetse eng? Letsatsi le
ne le fiseditse methaladi mo
mebeleng ya tsona.



Le go fitlha gompieno, dipitse
tse ditilodi di sa ntse di palelwa
ke go tlhatswa methaladi mo
mebeleng ya tsona.

Ke ka moo dipitse tse ditilodi di
nang le methaladi e mentsho.




Dipitsenyana tse ditilodi di le robongwe




Ntlha ya morutabana:

Opela ka tshunu ya
Peba di le tharo.



Pitsenyana e le nngwe,
dipitsenyana tse pedi
Dipitsenyana tse tharo,
Dipitsenyana tse nne, dipitsenyana tse tlhano,
Dipitsenyana tse thataro, Dipitsenyana di le supa,
dipitsenyana di le robedi, dipitsenyana di le robongwe,
Di paraganya mo nageng.

Dipitsenyana di le robongwe,
dipitsenyana tse robedi,
Dipitsenyana tse supa,
Dipitsenyana tse thataro,
dipitsenyana tse tlhano,
Dipitsenyana tse nne,
Dipitsenyana di le tharo,
dipitsenyana di le pedi,
pitsenyana e le nngwe,
Di paraganya mo nageng.



- Pitse e tilodi e nngwe le e nngwe e na le thulaganyo e e farologaneng ya methaladi e mentsho le e mesweu.
- Dipitse tse ditilodi di na le megatla e meleele (50 cm).
- Dipitse tse ditilodi di robala di eme.
- Dipitse tse ditilodi di ja tlhaga.



Makgabaganyo a dipitse tse ditilodi (Bokgabaganyo jwa batsamaya-ka-dinao bo filwe leina go ya ka methaladi ya dipitse tse ditilodi ya bontsho le bosweu).



Dipitse tse ditilodi ke masika a dipere le ditonki.

Ditirwana tsa puiso ya ditlhophha



Buisetsa tsala ya gago dipolelo tse.
Jaanong buisa dipolelo gape ka
tatelano e e nepagetseng.

- a. Dipitse tse ditilodi tsotlhhe di pentilwe methaladi mo mebeleng ya tsona.
- b. Kgosи Tau le ena o buile gore di lebega di le dintle.
- c. Rre le Mme Pitsetilodi la ntlha ba ipentile mebala e e farologaneng mme morago ba ipenta methaladi e mentsho.
- d. Letsatsi le fiseleditse methaladi mo mebeleng ya tsona mme tsa palelwa ke go e tlhatswa gore e phimoge.
- e. Rre le Mme Pitsetilodi ba ne ba batla go bonala ba le bantle kwa moletlong o ba neng ba laleditswe kwa go ona.
- f. Diphologolo tsotlhhe di ratile methaladi ya tsona.
- g. Ke ka moo dipitse tse ditilodi di nang le methaladi e mentsho.



2

Diragatsang kgang e.




3

Buisa dipotso o bo o bolelela tsala
ya gago dikarabo.

- a. Naya setlhogo sa kgang e.
- b. Baanelwabagolo mo kgannyeng e ke bomang?
- c. Ba dirile eng go fetola tebego ya bona?
- d. Diphologolo tse dingwe di ne tsa akanya jang
ka diphetogo tse?

A o natefetswe ke kgang e? Tshegetsa
karabo ya gago ka lebaka.





4

Kopolola o bo o feleletsa lenaneo le mo bukeng ya gago ya dithutiso.

- a. Batla mafoko mo kgannyeng e a a nang le medumopuo e e latelang mme o a kwale:

ou	ua	au
lw	ts	tlh

- b. Batla makaelagongwe a le 2 a lefoko "ntle" mo kgannyeng mme o a kwale.
- c. Batla dipolelo go tswa mo kgannyeng tse di nang le phegelwana , khutlo . le letshwaotsiboso!
Di kopolololele mo bukeng ya gago ya dithutiso.



5

Kwalolola kgang e ka mafoko a gago. Kwala temana e le 1 ya bonnye dipolelo di le 5.

PUOGAE YA MOPHATO 2



Buka 3

Leina kana setlhogo:	Pitse e tilodi e bone methaladi jang?
Puo:	Setswana
Maemo:	Padiso ya Mophato 2 Maemo 1 Buka 3
Mofuta wa sekwalwa:	Kanelo
Mafoko a tlwaelo:	ba, bona, mongwe, lebile, eng, tsa, rona
Tlotlofoko:	pitse, tilodi, mebele, maikutlo, gakgametse, kubu, tshukudu, tlou, thutlwa, ntle
Medumopuo:	eo, ee, ai, ea, -ng, th, ny, ngw, ph, ts
Diteng, mareo le bokgoni:	<ul style="list-style-type: none">• Tlhomaganya ditiragalo ka tatelano e e nepagetseng.• Diragatsang kgang e.• Botsa o bo o arabe dipotso tsa tekathhaloganyo.• Batla mafoko a a nang e medumopuo e e latelang mo kgannyeng: eo, ai, ts, th, ngw, tlw.• Batla makaelagongwe mo kgannyeng.• Kopolola dipolelo tse di nang le matshwaopuiso a a latelang: pheglwana, khutlo le letshwaotsiboso.• Kwala kgang e gape ka mafoko a gago.

CAPS e batla gore barutabana ba beele kwa thoko nako e e rileng ya go tota puiso ya ditlhophpha e e kaelwang letsatsi le lengwe le lengwe. Puiso ya ditlhophpha e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.

Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwaa e gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretsa ditirwana di le mmalwa tsa 'puisano ka ga sekwalwa'. tekatlhaloganya le ditirwana tse dingwe tse di tsamaelanang go thusa morutabana go kaela puiso ya ditlhophha mo diphaposiboruteleng tsa bona.

ISBN 978-1-4315-2667-3



9 781431 526673



ISBN 978-1-4315-2667-3

**THIS BOOK MAY NOT
BE SOLD.**



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Dibuka tse dingwe tse di
mo Šelofong ya Puogae ya
Mophato 2



Sisi o iponela tsala e ntšhwa

Ke botshelo jwa ntšwa

*Pitse e tilodi e bone
methaladi jang?*

Jerry o rata go buisa



Bubu o a latlhega

*Ke seo ditsala di tshwanetseng
go nna sona*

Pidipidinyana e e maswe



*Baesekel e ntšhwa ya ga
Bakang*

*Diphologolo di ya kwa
lewatleng*

*Wendy Leruarua o boloka
botshelo*